

**Wapiyaro' Kareta Paarᵁ  
Nennoko'pᵁ  
Tesaroni'ka Pon Kon  
Ena'  
Ekamanin**

Tesaroni'ka esi'pᵁ eke kuru pata Roman amᵁ nono Ma'sitoniya po. Paarᵁ uya so'si pata'ti'pᵁ miri yau Piri'pai nimi tᵁpo. E'tane ri, inke pᵁra ri, moro usewa'noman nito' esi'pᵁ Esuwerᵁ amᵁ wini tikintasan wakᵁ pe itekare Paarᵁ nekamanᵁ Kᵁri'san ekareei Esuwerᵁ amᵁ pen koro'tau, Esuwerᵁ amᵁ eseru yau e'pai iyenasa' kon esi pi'. Paarᵁ a'kwarᵁka'pᵁ to' uya Tesaroni'ka ninto' pe iya miri awonsi'ki itito' pe Periya pona. Emennᵁ'pᵁ, Koren eposa' iya tᵁpo, Paarᵁ uya ti-sakon winon miri awonsi'ki te'tᵁrawasoma isakon Temu'ti winon tᵁmiri pe so'si Tesaroni'ka pon eseru ekamasa' eporo'pᵁ.

*Wapiyaro' Kareta Paarᵁ Nennoko'pᵁ Tesaroni'ka Pon Kon Ena'* e'menukasa' esi'pᵁ to' pori'mapi'nin pe miri awonsi'ki enari'mᵁra Kᵁri'san amᵁ miri yawon kon ku'nin pe. Tenki ta iya to' uya apurito' miri awonsi'ki to' usi'nᵁnkato' ekareei pi'. To' emiya'pontipitᵁ iya tᵁuko'manto' eseru rᵁ'pᵁ pi' to' piyau tesi koro'tau, miri awonsi'ki ei'pitᵁ iya ta'toma pe tekama'popi'sa' rᵁ'pᵁ so'si tau iye'seposa' rᵁ'pᵁ Kᵁrai enna'poka'to' kanan pi': Apurinin pe' iyeri'sa' rᵁ'pᵁ Kᵁrai enna'pokapᵁ kanan rawiri uya ri pe' tiwiri ri uko'man nito' eporo iyenna'pokapᵁ kanan nᵁne'ai'ne'? Miri

awonsi'ki i'ri a'tai kanan Kurai uye'kapu? Paar# uya si seri weyu anam# to' pana'tipi'to' e'tarawasomato' pe t#usewankamai' p#ra Kurai uye'kapu enupikiri te'ku'to' kon yau esii'ma.

### **Iyawon Ekamanin**

Ekamanin (1:1)

Tenki tato' miri awonsi'ki apuripitu (1:2–3:13)

Pana' pe Kuri'san am# n#kup#nu pi' enupan (4:1-12)

Enupan Kurai uye'to' pi' (4:13–5:11)

Iu'matu pe pana' pe enupan nito' (5:12-22)

Iu'matu (5:23-28)

<sup>1</sup> Paar#, Sairas\* miri awonsi'ki Temu'ti pokon winipaino,

Papa, Ikuip#nu miri awonsi'ki Itepuru Sises Kurai yau Tesaroni'ka pon kon so'sii enakan:

Waku nonkasa' miri awonsi'ki t#usewankamai' p#ra e'nito' nesii iyenakan kon pe.†

*Tenki Tato' Tesaroni'ka Pon Kon Uya Apurito' Pi'*

<sup>2</sup> Tiwiri t#wip#rema kon yau Papa pi' tenki ta pi' ina man ipi'nokon.

<sup>3</sup> Miyari ri Papa itese' pi' ina e'to' miri awonsi'ki Ikuip#nu rau tenu kon yau itarawasooi kon apurito' auya'nokon wini iye'seposa', sa'man pe iye'tarawasomato' kon usi'n#nkan nito' wini t#utari'n#npai', miri awonsi'ki imoronkato' auya'nokon iye'ku'to' kon uyepuru kon Sises Kurai yau apana'ti kon wini.

\* **1:1** Kiri' *Sir#panas*, Sairas tato' t#ron ni pe. **1:1** Inkup#pu 17:1

† **1:1** T#ron ni pena imenukasa' ton uya iponanti *Papa*, *ukuip#nu* kon miri awonsi'ki Itepuru Sises Kurai winon ta.

4 Ina uya i'tu, utionpa ton, Papa ni'nunkanu ton, ayanansa' iya 'nokon,

5 apune para ina uya waku itekare ne'sa' ipiya'nokon, main pe riken pen e'tane merunti pe ri mari, Waku A'kwaru yau, miri awonsi'ki ito'ka'naku auya'nokon ina nusauro'ai'ne' ipi' kuru esi i'napairon pe. I'tu auya'nokon ina uko'mamu'pu ipiyau'nokon ipika'tinin kon pe.

6 Imiri'nokon uya ina nukupu'pu miri awonsi'ki Itepuru nukupu'pu ton kupu'pu ekaman ton ni ekota'man annau ri. Main ereutanuku'pu auya'nokon pori' Waku A'kwaru natu'pu ike ke.

7 Miri pi' si, tanporo Sises apurinin nan Ma'sitoniya miri awonsi'ki A'kaya pon kon uya ento' ipi' pe iyenasas' kon.

8 Main Itepuru iwano' utisa' ipiyapai'nokon Ma'sitoniya miri awonsi'ki A'kaya yau riken pen—Papa apurito' auya'nokon enasa' ti'tusen pe mi awiri ri. Miri pe iyesi pi', inu' yan pi' ri ina nekama ton itekare para man miri enta'.

9 Mi airi ri ina uti kaisa ri, ka'pon amu' usauroku, iye'ku'sa' ru'pu pi' ina ereutanuku auya'nokon yau. Iyera'tisa' kon Papa winikui' apurise'na ika'sa' ton piyapai, tuku'mansen miri awonsi'ki i'napairon Papa winikui' iyapiyo' pe e'se'na tukai' to' uya ekama,

10 miri awonsi'ki Imu uyepu Epu'pon ponsi'ki enupikiri iwesi kon pa, ini'mu'sa'ka'pu iyeriku'pu apai—Sises, kari ri uri'nokon pika'tinin tuuye'sen kota'man nito' piyapai.

## 2

*Paarꞥ E'turawasomato' Tesaroni'ka Po*

<sup>1</sup> Utonpa ton, i'tu auya'nokon ina uya aka'kuranpasa' kon a'tai, notꞥn pe iyesei'pꞥ pen.

<sup>2</sup> Mi'tuyatꞥi'ne' kasa ri, wapiya kuru ina kota'ma'pꞥ to' uya miri awonsi'ki ina sapema'pꞥ to' uya Piri'pai yau, e'tane Papa itese' pi' ina e'to' uya tapika'tii' ina esi wakꞥ itekareei inekamapai kuru ipi'nokon pana' pe ri ewa'nomanin e'tane.

<sup>3</sup> Apꞥne pꞥra ina nekama'ponꞥ ipan pe esi ipo-kena' pen wini iye'sa' pe pen miri pe pꞥra iri pe ina eseru esi pen ni, miri pe pꞥra ina uya ri iyenku'ti kon pen.

<sup>4</sup> Miri kasa pen, ina usaurokꞥ ka'pon amꞥ' Papa uya wakꞥ ku'sa' auya'nokon man tasa' ipi' ton pe wakꞥ itekare nonkasa' itena' ton pe itesa' pe ina e'to' pe. Ka'pon amꞥ' uya tapuripi'to' kon pe ina esi pen e'tane Papa uya riken tapuripi'to' kon pe. Papa esi ina ewan i'tupi'nin.

<sup>5</sup> I'tu auya'nokon ina usauro'sa' pꞥra iyesei pori' pe iku'nin kon pe, ina uya mentai te'to' kon wapu'ti pꞥra iyesei ipiyapai'nokon emꞥ' wapu ke—Papa uya ri niri i'tu.

<sup>6</sup> Ka'pon amꞥ' uya ina apuripitꞥ i'se ina esi'pꞥ pen, imiri'nokon ni miri pe pꞥra inꞥ' yan ni.

<sup>7</sup> Kꞥrai nennoko'san pe itekare ekamai' ina nesii'no iyerupa'nokon pꞥrata wini, e'tane i'si'mꞥn yaino kon pe ri ina esi'pꞥ i'koro'tau'nokon, isan esi aiko ton tꞥmunki mainanpa pi' kasa.\*

---

**2:2** Inkupꞥ'pꞥ 16:19-24; 17:1-9 \* **2:7** Tꞥron ni imenukasa' ton uya, i'si'mꞥn yaino pe, isan uya tꞥtꞥre kupꞥ kasa mana' pi' ta.

8 Ina uya ipan pe ri ii'nunka kon; miri uriya', ipan pe ri pori' pe tesi kon wenai ina esi'pɔ, wakɔ riken Papa ekareei ekama pi' ipi'nokon pen, e'tane ina uko'manto' ri niri tɔnin pe iyena'nokon, apɔne pɔra ina i'nɛn pe iyenasa' kon wenai.

9 Utonpa ton, mi'tuyatɔi'ne' kasa ri ina e'tɔrawasoma'pɔ sa'man pe ri ipiyau'nokon tesi kon a'tai, ewarupi nawiri ri miri awonsi'ki wɔi nai'ne ri iyerupa'nokon ina esi namai', wakɔ Papa ekareei ekama pi' tesi kon koro'tau ipi'nokon.

10 Imiri'nokon esi ennin nan pe, Papa ri kanan esi, wakɔ pe, ipokena' pe miri awonsi'ki ima'takɔɔi pɔra ri ina esi'pɔ imiri'nokon apurinin nan koro'tau.

11 Apɔne pɔra i'tu auya'nokon akaisari'nokon ina uya apanama'pɔ kon, tɔmunki ton panama ikɔipɔnɔ uya kasa,

12 ipori'mapitɔ kon, aya'kwarɔ kon ne'pitɔ pi' miri awonsi'ki ayapiyo'ma kon pi' iuko'manto' kon yau iuko'mamɔ kon pa Papa e'to' i'se awiri, iki'manin kon esa' wannɔ pe miri awonsi'ki eke pe tɔpokon pe iwe'to' kon ya'.

13 Miyari ri tenki ta pi' ina man Papa pi', apɔne pɔra itekare etasa' auya'nokon pi' ina nekamanɔ, apuri'pɔ auya'nokon ka'pon amɔ' nakoneka'pɔ pe pɔra ri, e'tane na'ne' kasa kuru ri, Papa Maimu ri, e'tɔrawasoman pi' na'ne' imiri'nokon apurinin nan yau.

14 Apɔne pɔra imiri'nokon, utonpa ton ena'pɔ Papa so'sii ton Isutiya pon kon kasa, Kɔrai Sises ese' pokon kon: Apata'se' yawon kon uya ri ikota'ma'pɔ kon, Esuwerɔ amɔ' uya apurinin nan

kota'ma'pɥ rɥ'pɥ kasa ri mari.

<sup>15</sup> Kamoro ri Esuwerɥ amɥ' uya ri mari Itepuru Sises miri awonsi'ki pu'kena' ton tɥ'ka'pɥ, kamoro uya ri mari ina enpa'ka'pɥ. Seri kupɥ to' uya esi Papa ewaruma pe, tanporon kon ni pi' isi pe to' esi.

<sup>16</sup> Ina uya itekare ekama i'se pɥra to' esi'pɥ Esuwerɥ amɥ' pen pi', to' epika'tito' pe. Seri kasa ri tɥmakooi kon ka'pu'tinin nan ipɥ'kɥ pona ri. Iye'seposa' si, Papa uya kota'man nito' uye'to' to' pona iu'matɥ pe ri.†

*Paarɥ E'to' Tesaroni'ka Pon Kon Inenpai Ipan Pe*

<sup>17</sup> E'tane, utonpa ton, aka'ne' pe ri ina pɥra ipiyau'nokon iyesi'pɥ a'tai (ka'pon pe, usenuminkan nito' yau pen), ipan pe ina e'to' iyenpai'nokon yau iyento' kon pe sa'man pe ina usi'tu'pɥ.

<sup>18</sup> Apɥne pɥra itipai ina esi pi' ipiya'nokon—i'nai ri sa'ne uri, Paarɥ uya iku'kaa'pɥ miri awonsi'ki iku'kaa'pɥ uya kanan—e'tane Se'tan‡ uya ina ereutanɥ'pitɥ'pɥ.

<sup>19</sup> Apɥne pɥra i'ri ken esi ina e'ku'to' pe, ina epori'mato' pe, miri pe pɥra aro', kɥron tato' ina utapurito' yai pe, Sises ina epuru rau iyepɥ a'tai? Imiri'nokon pen pe'?

<sup>20</sup> I'nai ri kuru, imiri'nokon esi ina apuripi'to' ipikiri pe miri awonsi'ki ina epori'mato' pe.

---

**2:14** Inkupɥ'pɥ 17:5    **2:15** Inkupɥ'pɥ 9:23, 29; 13:45, 50; 14:2, 5, 19; 17:5, 13; 18:12    † **2:16** iu'matɥ pe ri; miri pe pɥra, enuka'sa'.  
‡ **2:18** Se'tan—Makoi ese' isakon, Papa eseru ewaruma'tinin ta e'kwa pe.

### 3

<sup>1</sup> Miri a'kure'ti tɔuya'nokon poken pɔra iyese pi', wakɔ pe kuru iyese tiwi ina e'ninsa' a'tai A'tens po tukai' ina usenuminka'pɔ.

<sup>2</sup> Ina uya Temu'ti ennoko'pɔ, ina tonpa miri awonsi'ki Papa e'tɔrawasoma tonpa\* Kɔrai wakɔ ekareei ekama pi', imeruntitanɔ'se'na'nokon miri awonsi'ki ipori'mapi'se'na'nokon apurito' auya'nokon yau,

<sup>3</sup> miri ti'tupi'to' pi' inɔ ri utanpokɔma namai'. I'tu auya'nokon ni, seri ton yai ri epa'kan tasa' Papa uya.

<sup>4</sup> I'nai ri, ipiyau'nokon tesi kon a'tai, seri ton ni ekama pi' ina ne'tai ka'pon amɔ' uya ri ukota'mato' kon oton. Miri ta'pɔ awiri ri iye'kupɔ, mi'tuyatai'ne' ri.

<sup>5</sup> Miri wenai, a'kure'ti uya poken pɔra iyese pi', apurito' auya'nokon i'tuto' pe uya, Temu'ti ennoko'pɔ uya. Enari'nɔmɔ'pɔ i'ri wini ri na'ki i'tupi'nin uya ii'tupi'sa' kon, miripan ina e'tɔrawasoma'pɔ rɔ'pɔ na'ki esi notɔn pe ri tukai'.

#### *Pori'mapi'nin Temu'ti Nekamanɔ*

<sup>6</sup> E'tane Temu'ti si enna'posa' man seri pe kuru ina piya', ipiya'nokon tɔuti tɔpo, miripan uya wakɔ pe ri Papa apurito' auya'nokon miri awonsi'ki iusi'nɔnkato' kon ekareei ne'sa' man. Ina pi' wakɔ pe iusenuminkapitɔ kon tukai' ina pi' ekamasa' iya man miri awonsi'ki ina kanan inenpai kuru iwesi kon, ina esi iyenpai'nokon kuru na'ne' kasa.

---

**3:1** Inkupɔ'pɔ 17:15 \* **3:2** Tɔron ni imenukasa' ton uya, *ina tonpa miri awonsi'ki Papa e'tɔrawasoma tonpa ta; tɔron ni ton uya kanan, ina tonpa miri awonsi'ki Papa apiyo'ta.* **3:6** Inkupɔ'pɔ 18:5

<sup>7</sup> Miri pe iyese pi', utonpa ton, tanporon ina use-wankamato' yau miri awonsi'ki Papa wenai ina kota'mato' yau ina epori'ma'pɥa ipi'nokon, apurito' auya'nokon pi'.

<sup>8</sup> Serɥ nin si ina a'kwarɥ uye'ka'sa', pana' pe iye'mɥ'sa'ka kon pi' Itepuru apuri pi' iwesi kon pi'.

<sup>9</sup> Nai kasa tenki ta ina uya eke pe Papa pi' ipi'nokon, tanporon pi' pori' pe ina esi entakanomanin pe Papa itese' pi' ina e'to' rau imiri'nokon uriya'?

<sup>10</sup> Ewarupi nau miri awonsi'ki wɥi nai ri ina ipɥrema'pɥa ipan pe ina uya iyenka'to' kon pe kanan miri awonsi'ki apurito' auya'nokon yau ipara na'ne' ke irepato' kon pe.

<sup>11</sup> Miri pi' si, tiwi Papa itese' pi' e'nito' miri awonsi'ki ukɥipɥnɥ kon tumiri pe ri miri awonsi'ki uyepuru kon Sises ina e'ma konekai ina uye'to' pe ipiya'nokon.

<sup>12</sup> Tiwi Itepuru itonpa kon pokon pe iusi'nɥnkato' kon emo'kai miri awonsi'ki nanɥ'kai miri awonsi'ki tanporon kon ni niri iwano' pe, ina iwano' nɥku'ai'ne' kasa ipi'nokon.

<sup>13</sup> Tiwi iyewan kon pana'pantanɥkai, wakɥ pe, imakooi pɥra iwesi kon pa, Papa, itese' pi' e'nito' miri awonsi'ki ukɥipɥnɥ kon rau, uyepuru kon Sises uyepɥ a'tai tanporo wakɥ ton pokon pe.

## 4

### *Uko'man Ni Papa Pori'manin Pe*

<sup>1</sup> Miyari ri man, ina tonpa ton, ina uya iyenupakaa'pɥa kon iuko'mamɥ kon eseru ke Papa pori'manin pe. I'napairi ri iyese, miri awiri ri mako'manyatɥi'. Serɥ si ina uya iyekama'po kon



miri awonsi'ki ayapiyo'ma kon Itepuru Sises yau seri kupu kon pa miyari ri.

<sup>2</sup> Apune para miri iku'ti' ta'pu ina uya ipi'nokon Itepuru Sises meruntiru yau i'tu auya'nokon.

<sup>3</sup> Papa eseru esi waku pe kuru iyekoneka kon i'se: ekuman nito' tuku'se para;

<sup>4</sup> akaisari'nokon ipun kon esa' pe te'san pe iusenupato' kon esi waku pe te'sen awiri miri awonsi'ki tnamasen pe e'nito' awiri,

<sup>5</sup> niki' pe para Papa punon kon, Papa i'tunin nan pen kasa;

<sup>6</sup> miri awonsi'ki seri rupi yau inu' ri tatonpa ku'nin ipoken para miri pe para ipi' ri ku'sennakanin. Itepuru uya ka'pon amu' kota'ma miri seri ton wenai, ina apana'tita'tuine' miri awonsi'ki apanamaka'ta'tuine' kasa.

<sup>7</sup> Apune para Papa uya uki'masa' kon para iyesi iri pe e'nito' pe, e'tane waku pe uko'man nito' yau uko'man nito' kon pe.

<sup>8</sup> Miri pe iyesi pi', kari seri miri iku'ti' tato' ewaruma'tinin uya ka'pon ewaruma'ti pen e'tane Papa ewaruma'ti iya, irepanin Waku Ta'kwaru ke.

<sup>9</sup> Seri nin si isitonpa pe usi'nunkan nito' pi' imenupai'nokon para ri ina man, apune para Papa uya ri iyenupasa' kon tuisi'nunkasan pe.

<sup>10</sup> Inapai ri si tuisi'nunkasan pe me'atui' itonpa kon amu' pokon pe Ma'sitoniya awiri ri. E'tane ri, ina tonpa ton, miyari ri iusi'nunka kon pa ipan pe ina uya iyekama'po kon.

<sup>11</sup> Patanti pe iuko'manto' kon para e'paino kon ye' pe ekonekati', apantomu kon ni tumainanpai' te'san pe miri awonsi'ki iyemiyatu kon ke

te'turawasomasan pe, ina apana'tita'tuine' kasa ri,  
 12 wu'i kaisa ri iuko'manto' kon uya mi airon kon  
 ku'to' pe anamapai'nokon, miripan si inu' erupa' ri  
 te'san pe iwesi kon namai'.

### *Itepuru Uye'to'*

13 Ina tonpa ton, i'tunin nan pe p̄ra iwesi kon  
 i'se p̄ra ina man kamo iye'nansa' kon pi', miri pe  
 p̄ra t̄usewankamasan pe t̄uron kon ka'pon am̄  
 kasa, iye'ku'to' p̄non kon.

14 Apuri'nokon Sises eriku'p̄u, miripan kanan  
 e'm̄'sa'ka'p̄u; miri pi' nin si apuri'nokon Papa uya  
 ipokon pe kamo iye'nansa' kon n̄'san itese' pi'  
 esii'ma ne'to' oton.

15 Itepuru maimu na'ne' kasa ri, ina uya  
 apana'ti kon uri'nokon nurine ri mari na'ne' nan,  
 iye'nonkasa' kon Itepuru uyep̄u p̄'ku' pona uya  
 iye'nansa' kon n̄'san wapiya'kato' oton pari pen  
 ni.

16 Ap̄ne p̄ra Itepuru u'tito' oton Ep̄n apai, eke  
 pe imaimu, inser̄u am̄' epuru maimu pokon pe  
 miri awonsi'ki t̄uronpi' uturum̄ Papa maimu pi'  
 pokon pe, miri awonsi'ki eke' ton K̄rai ese' pi'  
 esii'ma iyeri'sa' kon e'm̄'sa'kato' oton wapiya.

17 Miri t̄apo, uri'nokon, nurine ri mari na'ne'  
 nan, iye'nonkasa' kon e'sepoto' oton to' pokon pe  
 kapuru' yau, ka' yau Itepuru epose'na. Miripan  
 e'nito' oton kon Itepuru piyau tiwi ri.

18 Miri pe iyesi pi', seri ton main ke itonpa kon  
 am̄' ipori'mapi'ti'.

## 5

*Itepuru Uyepu E'ma Ta' Ekonekan*

<sup>1</sup> Serì si, ina tonpa ton, iweyu ton miri awonsi'ki iwekusi ton pi' imenukato' kon p̄ra ina man,

<sup>2</sup> ap̄ne p̄ra i'tu auya'nokon wak̄a pe, Itepuru weyu uye'to' oton ama' kasa ewarupi nau.

<sup>3</sup> Ka'pon am̄a' uya, “Ewankamanin p̄ra man; isi yau p̄ra e'ni man,” ta koro'tau, to' uma'tato' uye'to' oton ite'kwanau p̄ra ri, mono' e'tinka a'taino kasa, miripan kon ain̄nto' oton pen.

<sup>4</sup> E'tane imiri'nokon, ina tonpa ton esi ewarupi nawon kon pe p̄ra; miri wenai, Itepuru Sises uyepu weyu uya iyewansiukato' oton kon pen ama' kasa.

<sup>5</sup> A'kwa munki pe iwesi kon, w̄ai munki pe iwesi kon. Uri'nokon esi ewarupi nawon kon pe p̄ra.

<sup>6</sup> Miri wenai, t̄ron kon kasa p̄ra e'nipai'nokon iye'n̄nsa' kon pe na'ne' nan, e'tane tenu ke miri awonsi'ki iwano' wannì pe t̄use'se'tii' e'nipai'nokon.

<sup>7</sup> Ap̄ne p̄ra kamoro te'n̄nsan, e'n̄m̄m̄ ewarupi nau, miri awonsi'ki kamoro te'taripasan, e'taripa ewarupi nau.

<sup>8</sup> E'tane w̄ai enawon pe e'ni'nokon wenai, uiwano' kon pe t̄use'se'tii' e'nipai'nokon, apurito', i'n̄nkato' ya' tenai' up̄ropo kon wapu pe te'sen kasa, miri awonsi'ki epika'tin tukai' e'ku'n̄ito' uyarukooi kon pe te'sen kasa.

<sup>9</sup> Ap̄ne p̄ra Papa uya uyan̄nsa' kon pen kota'man n̄ito' kon pe t̄uya, e'tane epika'tin n̄ito' eponin pe uyepuru kon Sises K̄rai poro.

---

5:2 Ma'siu 24:43; Ɔru' 12:39; 2 Pi'ta 3:10

5:8 Aisaya 59:17;

E'pe'sas 6:13-17

10 Iyeriku'pɛ uponaro' kon pe, nurine e'ni pe iyesi yau, eri'nisa' pe ri iyesi yau, ipokon pe ri uko'man nito' oton kon.

11 Miri pe iyesi pi', itonpa kon amɛ tɛpori'mapi'se, tɛpika'tipi'se e'ti', maku'atɛi'ne' kasa ri.

### *Iu'matɛ Pe Miri Iku'ti' Tato'*

12 Seri si ina uya kanan iyekama'pokapɛ kon, ina tonpa ton, sa'man pe i'koro'tau'nokon ne'tɛrawasomayi'ne' nan inamaka'ti', iyesanon kon pe na'ne' nan Itepuru yau, apanama kon pi' na'ne' nan.

13 To' tɛrawasooi pikiri to' inamaka'ti', to' i'nɛnkaka'ti' mara ri pɛra. Tɛusewankamai' pɛra itonpa kon amɛ pokon pe iko'manti'.

14 Ina tonpa ton, ina uya iyekama'pokapɛ kon, emiya'ne' pe te'san ipanamaka'ti', enari'ke' te'san enari'mɛnkaka'ti', i'si'mɛra te'san ipika'tika'ti', kiseta'katɛu tanporon kon pi'.

15 Inɛ' uya ri iri ku'sa' yau ipi'nokon, kɛsentakanomatɛu iri ke ri mari, e'tane tiwiri ri sa'man pe ri isi'tuti' wakɛ pe itonpa kon amɛu pe e'ni pi' miri awonsi'ki tanporon kon pi' ri niri.

16 Pori' pe te'san pe e'ti' tiwiri ri;

17 tɛuseta'kai' pɛra ipɛremati' miyari ri;

18 tanporon yau ri Papa pi' tenki ka'ti', seri kupɛ auya'nokon i'se Papa esi miri Kɛrai Sises yau.

19 Iya'kwarɛ kama'tu kɛsenkɛ'nɛ'tɛu;

20 Pu'kena' amɛ' nekamanɛ ku'ku'tɛu se pe ri.

21 Tanporon i'tupi'ti'. Wakɛ pi' ata'siti'.

22 Tanporon i'si'taino pe na'ne' iri ton kɛ'ku'tɛu.

*Papa Uya Wak<sub>u</sub> T<sub>u</sub>to' Pe Tesaroni'ka Pon Kon Pona*

<sup>23</sup> Tiwi Papa ri tumiri pe, Papa, t<sub>u</sub>usewankamai' p<sub>u</sub>ra e'nito' esa' ikonekai'nokon tanporo ri. Tiwi tanporo aya'kwar<sub>u</sub> kon, iyewan kon miri awonsi'ki ipun kon nenkurum<sub>u</sub>i t<sub>u</sub>ma'tak<sub>u</sub>u ke p<sub>u</sub>ra uyepuru kon Sises K<sub>u</sub>rai uyep<sub>u</sub> a'tai.

<sup>24</sup> K<sub>u</sub>ri iki'manin kon esi iyawiron ye' pe ri, miri awonsi'ki ikup<sub>u</sub> iya ri.

<sup>25</sup> Ina tonpa ton, ina pona ip<sub>u</sub>remati'.

<sup>26</sup> “Miyari,” ka'ti' tanporo utonpa kon am<sub>u</sub>' pi', wak<sub>u</sub> pe e'ni eseru yau to' a'su'ka pe.

<sup>27</sup> Ta uya ipi'nokon Itepuru rau, seri si kareta mekamat<sub>u</sub>i' tanporo utonpa kon am<sub>u</sub>' pi'.

<sup>28</sup> Wak<sub>u</sub> nonkasa' uyepuru kon Sises K<sub>u</sub>rai uya nesii ipiyau'nokon.

**Wakɛ Itekare: Emenna' Pe Ekonekan Nito'  
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Akawaio

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 18 Apr 2025 from source files dated 29 Jan 2022

0a50da4e-768d-5472-9dd1-d9747ff5918f